

Sel Prestuhn  
Thomas S. Monson



# Ma Kunacsr in Molwelah

**N**uh sin Mwet Luhlahlfongi ke Lwen-sahflah, mwe enenuh in molwelah tamuhlwel ac tahm-tahel wiyacsr suc, ke srihpac se kuh sahyac, som liki inkacnek ke mukwikwi luhn Alu uh pa yohk srihpac ke ma pahtpaht. Oasr mwet ohinge kuht etuh suc eis wosasuc sie pacl ah? Fin oasr, meac kunohkohn lasr in molweloslac?

Motko ke mwet mahtuh, mwet katinmas, ac mwet mas. Pacl pucspucs elos kuh in konweyuckyak ke acn oalal kuh mwesis pahngpahng muhkahimtacl. Ke moul fuhsr uh som, ke fokoko wacngihnlac, ke kuh wacngihnlac, ke kahlwem luhn finsrak muhnahtlah, elos kuh in kahsrweyuck ac ahkkweyeyuck ke paho se ma kahsruh ac insiyac ma etuh luhngse pwacye.

Oasr, pwacye, mwet sahyac suc enenuh langoeyuck. Kuhtuh muhnahts ke ma koluk ac kuhtuh sahyac fahsr ke sahngweng kuh wacngihn puhla kuh nihkihn ma nuh kwewa. Ke kuhtwena srihpac, elos sifacna srwacloslac liki mukwikwi luhn Alu uh. Ac elos fah kalweni in tuhlah nuh ke oasr acsmaklac in kuht—mempucr fokoko ke Alu uh—sie kena in molwelah ac in moullac.

## Mwet Se in Ahkkahlwemye Inkacnek An

Kuhtuh pacl somlah ah nga eis lwacta se sihmlac sin mukul se suc som liki Alu uh. Ma inge oacna inkaiyen

mempucr lasr uh. Tukun el ahkuhtweyac ohiyac ke el eklac suhkwas alu lac ah, el suhmuhslah:

“Puhkantwen ma luhk met ac ingena srihklac. Nga ahsor ac puhla oacna lah nga oruh koluk ke ma nuh kwewa. Wacngihn pacl wosasuc som liki insiyuck, finne som liki moul luhk. Nga siyuck ke pruhe lowos.

“Nuhnak muhnahts tiac muhkuhnlah kuhtuh sesr suc oasr inge—Mwet Luhlahlfongi ke Lwen-sahflah tuhlah nuh. Nga etuh lah piyac acn Alu uh, tuhsruhktuh nga nuhkuh lah nga enenuh mwet se sahyac in ahkkahlwemye inkacnek an, ahkkweyeyuc, eslah sahngweng luhk, ac fahkwack luhlahlfongi lalos nuh sihk.”

Ke nga riti lwacta se inge, nuhnak luhk eklac nuh ke sie pacl ah ke nga som nuh ke sie sin art gallery luhlahp fin facluh—acn pwengpweng ke Museum Victoria ac Albert fin acn London, England. Ingoh, ke frame na kahto se, pa sie petsac wolacna sroallah ke yac 1831 sel Joseph Mallord William Turner. Atacn petsac ke puhkuhnyen toasr sroalsroal ac sraksrak luhn meoa pohlkhlak ma ahkkahlwemye sensen ac misac. Sie kahlwem ke soko oak sisilac sahrilah loesalah. Ke muhtuhn oak an, totoyak fuhlwact ke noa utyak ke kof pulohlloh, oasr soko oak in molwelah luhlahp. Mukul uh pahtok lihksreni oac uh ke oak in molwelah soko ah fungul noa pohlkhlak uh. Ke lihkihn pot ah tu sie

muhtwacn pahyuck ac tuhlihk luo, sroksrok ke af uh ac puokyuck ke eng ah. Elos ngwetngwet sensen nuh meoa. Ke nuhnak luhk nga ahkfototoye inen sroal sac. Nuh sihk eklac nuh ke *In Molwelah*.<sup>1</sup>

Infulwacn pahkah luhn moul, ma sensen oasr kac. Mukul ac muhtwacn, mukul fuhsr ac muhtwacn fuhsr elos sifacna konweyuckyak tuhlaac ac sun kuhnausyuck-lac. Suc ac fah kol oak in molwelah uh, som liki ma pwacr in lohm ac sucu, ac som nuh ke molwelah?

Kunohkohn lasr tiacna upaclac. Kuht wi orekma luhn Leum; kuht olweyucklac nuh ke kahsrüh Lal.

Ke puhlan orekma lal Mwet Kol, El pahngon mwet pahtuhr fin acn Galilee in som liki nwek lalos ac ukwacl, fahkwack, “Nga fah luti kowos ohiyacn pah-tuhri mwet.”<sup>2</sup> Lwelah kuht in wi orekma ke mwet pahtuhr luhn mukul ac muhtwacn uh, tuh kuht kuh in sang kuhtwena kahsrüh kuht kuh nuh kac.

Ma kunacsr pa in saplakyang in molwelah mwet suc som liki acn wo luhn mukwikwi, tuh elos kuh in tuh-kuh nuh ke tepuh luhn Leum in lutlut yohk ke kahs Lal, in engankihn wi luhn Nguhn Lal ac “tiac sifil mwet sac kuh mwet tahkuhsrkuhsr; a kowos mwet wiyacn mwet luhn God ac mwet in sucu luhn God.”<sup>3</sup>

## Ip Yohk luhn Luhngse

Nga konwacack lah oasr srihpac yohk luo in kahsrüh mwet in fohlohk nuh ke Alu ac eklac ohiyaclos, mwe pahlah lalos, ac mukwikwi lalos. Ma se met, kais sie fohlohk ke srihpen mwet se ahkkahlwemye nuh selos ohiyac ma pahtpaht lalos ac kahsrwelos in sulaclah in sun ma inge. Mempucr suhkwac alu uh tiac kuh in kalweni ke ma infulwac ke elos liye ma wolacna fototo nuh ke saplak lalos.

Ahkluo, mwet sahyac uh fohlohk ke srihpen mwet suc luhngse elos kuh “mwet wiyacn mwet luhlahlfongi” ukwe mwe luti luhn Mwet Lahngo, luhngse mwet tuh-lan lalos oacna elos sifacna,<sup>4</sup> ac kahsrüh mwet sahyac uh in oruh finsrak lalos in ahkfalyeyuck ac kena lalos in ahksahfyeyuck.

Ma kahsrüh in eklac ke ma inge pa—ac fah kalweni in pa—ip yohk ke luhngse.

Ke sie ohiyac pwacye, mwet tuhlaac ke petsac luhn pahkah sel Turner oacna mempucr pucspucs lasr suc suhkwac alu suc tuhpan molwelah sin mwet suc kol oak in molwelah uh. Insiyaclos kena yohk ke kahsrüh. Ninac ac pahpah uh pruhe ke tuhlihk mukul ac muhtwacn nahtuhlos uh. Muhtwacn pahyuck uh kwacfwew inkuhsrao tuh mukul tuhmwaclos uh kuh in kahsrweyuck. Kuhtuh pacl uh tuhlihk uh pruhe ke pahpah ac ninac kiyaclos.

Pa inge pruhe luhk tuh in oasr kena lasr in molwelah mempucr ma suhkwac alu ac in fohlohkohnohlosme nuh ke mwe engan ke wosasuc luhn Jisus Kraist, tuh elos kuh in ipeis yohrohsr ma asruoki nohfohn uh kuh in sang.

Lwelah kuht in saplakyang in molwelah mwet tuhlaac suc raunikuhtlac: mwet mahtuh, mwet katinmas, mwet mas, mwet suhkahpahs, mwet suhkwac alu, ac mwet suc tiac karihngihn masap an. Lwelah kuht in sang nuh selos paho ma kahsrüh ac insiyac ma etuh luhngse pwacye. Ke kuht oruh, kuht ac sang engan nuh insiyaclos, ac kuht ac puhla engan yohk ma tuhkuh nuh sesr ke kuht kahsrüh mwet sahyac nuh ke inkacnek nuh ke moul ma pahtpaht.

## MWE KAHSRUH

1. Inen petsac sacn nohfohn pa *Life-Boat and Manby Apparatus Going Off to a Stranded Vessel Making Signal (Blue Lights) of Distress*.
2. Mattu 4:19.
3. Mwet Efesus 2:19.
4. Liye Mattu 22:39.

---

## LUTI KE PWENG SE INGE

Motko in siyuck mwet kom liye an elos fin etuh kuh-twena mwet suc muhnahs in wi alu. Kom kuh in sulac-lah mwet se ac sramsramkihn ohiyac in ahkkahlwemye luhngse, oacna in solwacl in wi ekuh in toeni luhn sucu kuh tuhkuh nuh lohm ah in wi mongo.

### Mwe Sang Ial Jen

Sel Josi S. Kilpack

**N**ga oruh sulaclah koluk pucspucs ke yac in so-phomore luhk ke high school. Sulaclah ingacn oruh nga in eis mwacta ac ahsor, ac nga sulaclah in orekmakihn pacl mwesahs ke suhmuhr in muhtwacwacack orwaclah eklac uh. Ke lutlut ac sifilpac muhtwacwacack ah, nga mongo ke lohm fahsr ah kuh acn ma wacngihn mwet kac in som liki kuhpahsr koluk ma tuhpan in painyuc fohlohk.

Nga tiac puhla in arulacna muhkuh.

Na God El use nuh sihk mwe sang se: El suhpwacma Jen nuh sihk. El tiac wi nuhnuhkweyuc ke tahfong-lac luhk tuhsruhk ahkkweyeyuc in kalweni in fahsr ke inkacnek suwohswohs. In etuh lah el ac oasr lohm lutlut ah kahsrweyuc in kalweni riti ma suhmuhslah nuhtihk uh ac ahkfokokoye luhlahlfongi luhk. Ke pacl in srolah uh tuhkuh, nga ahkkahlwemye nuh sihk sifacna tuh nga kwacfweacng in eklac.

Nga motko kuhtuh pacl lah nga ac oasr oyac mihse-nge Jen el fin tiac saplakme nuh sihk. Yac nga kuh in fahsr ke ip yohk luhk fin el wacngihn? Wo ohiyac, nga fah tiac etuh ke srihpen el oasr ke insiyacl nohfohn, ahkolah ac luhngse in kahsrweyuc.

*Mwet sihm sac muhta fin acn Utah, USA.*

### Ohiyac in Molwelah

**P**restuhn Thomas S. Monson el luti lah kuht enenuh in saplakyang nuh sin mwet sahyac, wi mwet mahtuh, mwet lolacp, mwet mas, mwet ma suhkwac alu lac, ac mwet suc enenuh kahsrüh yohk. Nuhnkuh ke mwet ma kom etuh suc enenuh kuhtuh kuhlwasnsap.

Suhmuhslah kuh srolwaclah petsac ke nuhnak nuh ke ohiyac kom kuh in kahsrüh kuhtuh mwet inge. Kom kuh in siyuck sin pahpah kuh ninac kiyom in kahsrwe kom nuhnkuh ke ohiyac an na sulaclah sie in srihke ke wik se inge.



Luhlahlfongi, Sucu, Kahsruh

# Misin Wolacna luhn Jisus Kraist: Mwet Orwaclah Se

*Lutlukihn kuhfa inge ac, ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siyuck an in kahsrwe kowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an. Nuh ke kuhtuh pac ma in etuh, som nuh ke [reliefsociety.lds.org](http://reliefsociety.lds.org).*

*Pa inge sramsram se emet luhn Pweng ke Forfor Luti ma sramsramkihn ip yohk ke misin luhn Mwet Lahngo.*

Jisus Kraist El orwaclah inkuhsrao ac facluh (Liye 3 Nephi 9:15). El oruh oacna ke kuh luhn pristut, ye kolyuck sin Pahpah tuhmasr Inkuhsrao (liye Moses 1:33).

“Fuhkah sruikihnyac sesr lah Mwet Orwaclah lahlmwetmwet suc oraclah facluh ac fihlikuhti nuh kac,” Prestuhn Thomas S. Monson el fahk, “. . . lah kuht kuh in puhlakihn ke sie pacl luhn srihfe, pacl wo in ahkkahlwemye lah kuht kuh in sifacna ahkfalye ma nuh kwewa God El ahkolah nuh sesr in eis.”<sup>1</sup> Ke kuht orekmakihn sukohsohk in sulaclah lasr in ahkos masap luhn God ac auliyak, kuht eklac nwasnwas in fohlohk in muhta Yohrohl.

Ke Orwaclah an, Prestuhn Dieter F. Uchtdorf, Mwet in Kahsruh Ahkluo ke Prestuhnsi Se Met, el fahklah:

“Kuht pa srihpac se El orwaclah facluh ac inkuhsrao! . . .

“Ma inge el ma siena luhn mwet uh: kapsra nuh sin God, mwet uh wacngihn; tuhsruhkuht ma nuh

kwewa nuh sin God.”<sup>2</sup> Etuh lah Jisus Kraist El orwaclah facluh kacsr ke srihpen kuht pa ma nuh kwewa nuh sin Pahpah Lucng kuh in kahsrwe kuht in ahkyohkye luhngse lasr nuh Selos.

## **Ke Ma Suhmuhsrah uh**

John 1:3; Mwet Hebrew 1:1–2; Mosiah 3:8; Moses 1:30–33, 35–39; Abraham 3:24–25

## **Ke Sramsram Mahtuh Lasr**

Kuht oreklac ke luhman God (liye Moses 2:26–27), ac oasr kuh wolacna lasr. Mwet Pahluh Joseph Smith el kai tahmtahel ke Rilif Sosaiti in “ahkfalye pacl mwesahs lalos.”<sup>3</sup> Ke ahkkweyeyuck ingacn ke sie pwelucng, tahmtahel ke Alu luhn Jisus Kraist luhn Mwet Luhlahlfongi ke Lwensahflah lutiyuck in moulikihn pacl mwesahs wolacna lalos ke ahkfalye srihpac luhn God nuh selos. “Ke elos muhtwacwacack in kahlwem lah suc elos uh—muhtwacn nuhtin God, ke sie kuh oasr in luhngse ac tuhfahlah—elos sun kuh lalos oacna muhtwacn muhtahl uh.”<sup>4</sup>

“Kowos ingena oasr ke acn se ma kowos kuh in mukwikwi fal nuh ke etatwen ingacn ma God El sang nuh insiyowos,” Mwet Pahluh Joseph Smith el fahk. “Kowos fin moulikihn ip yohk inge fuhkah yohk ac wolacnainya!—kowos fin ahkfalye moul lowos an, lihpufacn uh tiac kuh in tulokihnyucki in wi kowos.”<sup>5</sup>

## **MWE KAHSRUH**

1. Thomas S. Monson, “The Race of Life,” *Liahona*, Mei 2012, 91.
2. Dieter F. Uchtdorf, “You Matter to Him,” *Liahona*, Nohfuhmpuh 2011, 20.
3. Joseph Smith, ke *Daughters in My Kingdom: The History and Work of Relief Society* (2011), 171.
4. *Daughters in My Kingdom*, 171.
5. Liye Joseph Smith, ke *Daughters in My Kingdom*, 169.

## **Meac Nga Kuh In Oruh Uh?**

1. Suk in kahlwem ke ohiyac inkuhsrao lasr kuh in ahkyohkye fuhkah luhngse lasr nuh sin Mwet Lahngo?
2. Kuht kuh in ahkkahlwemye fuhkah sruil lasr ke ma God El orwaclah uh?